

Martes, 31 de agosto de 2021

Núm. 167

## **ADMINISTRACIÓN LOCAL**

### **MUNICIPAL**

### **VALGA**

#### **Ordenanzas e Regamentos**

#### *APROBACIÓN DEFINITIVA DA ORDENANZA REGULADORA DO PRÉSTAMO DE BIOTRITURADORAS A PARTICULARES PARA A XESTIÓN DA BIOMASA DOMICILIARIA*

#### *ANUNCIO DE APROBACIÓN DEFINITIVA NO BOLETÍN OFICIAL DA PROVINCIA*

Por Acordo do Pleno do Concello de Valga, en Sesión Ordinaria de data 21 de xuño de 2021, procedeuse á aprobación inicial da ORDENANZA REGULADORA DO PRÉSTAMO DE BIOTRITURADORAS A PARTICULARES PARA A XESTIÓN DA BIOMASA DOMICILIARIA.

Ao non terse presentado reclamacións durante o prazo de exposición ao público de 30 días hábiles, queda automaticamente elevado a definitivo e, o seu texto íntegro, faise público, para o seu xeral coñecemento e, en cumprimento do disposto no artigo 70.2 da Lei 7/1985, de 2 de abril, Reguladora das Bases do Réxime Local.

Contra o presente Acordo, poderase interpor recurso contencioso-administrativo, ante a Sala do Contencioso-Administrativo do Tribunal Superior de Xustiza de Galicia con sede en A Coruña, no prazo de dous meses a contar desde o día seguinte á publicación do presente anuncio, de conformidade co artigo 46 da Lei 29/1998, de 13 de xullo, da Xurisdición Contencioso-Administrativa.

Documento asinado dixitalmente ao marxe

O Alcalde,

José María Bello Maneiro

#### *ANEXO. TEXTO ÍNTEGRO DA ORDENANZA*

#### **ORDENANZA REGULADORA DO PRÉSTAMO DE BIOTRITURADORAS A PARTICULARES PARA A XESTIÓN DA BIOMASA DOMICILIARIA**

#### **CAPÍTULO I. DISPOSICIÓN XERAIS**

##### **Artigo 1. Obxecto.**

O presente regulamento ten por obxecto establecer as normas ás que deberá axustarse o préstamo de biotrituradoras propiedade do concello, determinando os dereitos, obrigas e réxime de infraccións e sancións.



Martes, 31 de agosto de 2021

Núm. 167

O Concello de Valga vai poñer a disposición da veciñanza este servizo, fomentando unha correcta xestión dos residuos de orixe vexetal xerados no ámbito municipal, contribuíndo así a:

- Evitar que estes residuos rematen no circuíto de recollida do lixo, co conseguinte custe asociado.
- Obter un produto de valor engadido para o programa de compostaxe do Concello, no que pode ser empregado como estruturante, ou incluso como material de acolchado para horta e xardíns.
- Reducir o número de queimas, minimizando riscos de incendio e contaminación ambiental.

### **Artigo 2. Ámbito do Servizo.**

O ámbito do servizo queda circunscrito ó uso da maquinaria dentro dos límites do Concello de Valga.

### **Artigo 3. Fundamento Legal.**

O Concello do Valga, para a xestión dos seus intereses, e no ámbito das súas competencias, pode promover toda clase de actividades e servizos públicos que contribúan a satisfacer as necesidades ambientais e a mellorar a calidade de vida.

O concello na súa calidade de Administración pública de carácter territorial e dentro da esfera das súas competencias, exercita a potestade regulamentaria que lle atribúe o artigo 4.a) da Lei 7/1985, do 2 de abril, reguladora das Bases de Réxime Local, en relación cos artigos 22.2.d); 25.2. b) e f) ;139-141 do citado corpo legal e artigo 33 do Decreto do 17 de xuño de 1955, polo que se aproba o Regulamento de Servizos das Corporacións Locais.

### **Artigo 4. Potestades.**

Nas materias obxecto deste Regulamento, esta Entidade local, ostenta cantas potestades lle confire o artigo 4 da Lei reguladora das Bases de Réxime Local e demais normativa aplicable, incluídas as potestades de inspección e sancionadora.

## **CAPÍTULO II. ORGANIZACIÓN E FUNCIONAMENTO DO SERVIZO**

### **Artigo 5. Características do Sistema de Préstamo de Biotrituradoras.**

O sistema está composto por biotrituradoras eléctricas ubicadas nas dependencias do Concello, onde serán recollidas polas persoas usuarias cos seus propios medios. Unha vez rematado o prazo de préstamo, as biotrituradoras serán devoltas ao mesmo lugar.



Martes, 31 de agosto de 2021

Núm. 167

**Artigo 6: Emprazamento da maquinaria**

La biotrituradora será recollida no lugar asignado a tal efecto e comunicado ao solicitante no momento de formalizar a solicitude e previo a aceptación da cesión por parte do concello.

**Artigo 7. Persoas usuarias do servizo.**

Poderán ser persoas usuarias do servizo municipal de préstamo de biotrituradoras, todas as persoas maiores de idade, con domicilio no concello de Valga, que se dean de alta no servizo e participen no programa de compostaxe do concello contando cun composteiro individual (COIN) no seu domicilio e que se atopen ao corrente nas súas obrigas tributarias co mesmo.

As persoas solicitantes serán persoas físicas e o emprego das biotrituradoras será sempre no ámbito privado domiciliario, non podendo ser utilizado o material con ánimo de lucro.

**Artigo 8. Alta no servizo e presentación de solicitudes de particulares**

Toda persoa que pretenda empregar o servizo municipal de trituración deberá previamente darse de alta no servizo, o que implicará recibir unha serie de instrucións sobre o funcionamento da maquinaria.

As biotrituradoras solicitaranse mediante a presentación do modelo de solicitude dispoñible nas instalacións municipais ou na web do Concello.

O concello procederá á tramitación da solicitude e porase en contacto coa persoa interesada.

A solicitude deberá ser presentada, coa suficiente antelación ao día que se pretende retirar a trituradora. Se existisen varias solicitudes ao mesmo tempo, atenderanse as peticións por orde de entrada.

**Artigo 9. Funcionamento do Servizo Municipal de Préstamo de Biotrituradoras.**

Para recoller a biotrituradora a persoa usuaria deberá poñerse en contacto alomenos cun día de antelación e comunicar o día e a hora na que se efectuará a retirada.

O horario do servizo será de luns a venres de 09:00 a 14:00 h.

O Concello resérvase a posibilidade de modificar as datas acordadas de préstamo e/ou horarios en función da dispoñibilidade das biotrituradoras.

Para retirar a biotrituradora, deberá cubrirse un impreso onde se indicará o nome da persoa usuaria rexistrada, o día que se fai entrega da maquinaria e o día no que se traerá de volta ás dependencias municipais (o préstamo non poderá exceder de 3 días). En caso de non presentarse na data e hora acordadas, a biotrituradora porase a disposición da seguinte solicitude.

No momento de devolución da maquinaria entregárase un impreso onde se indicará a data de devolución, horas de uso durante o préstamo e incidencias se fose o caso.



Martes, 31 de agosto de 2021

Núm. 167

O material a entregar coa máquina será:

- Cable extensor.
- Guía rápida de utilización

### **Artigo 10. Condicións de Utilización.**

O emprego das trituradoras límtase a persoas físicas, para uso particular e privado, sempre dentro dos límites territoriais do concello, sendo a persoa usuaria a responsable a todos os efectos do seu manexo, transporte e as súas consecuencias.

O emprego da maquinaria límtase a trituración de restos leñosos procedentes de podas domiciliarias: ramas de árbores froiteiras, viña, árbores ornamentais restos de xardinería, etc. para obter estruturante para o programa de compostaxe do Concello.

A duración do préstamo límtase, como máximo, a tres días (3 días) incluíndo no cómputo, sábados, domingos e festivos. Cando o período de préstamo expire fora do horario do servizo, a maquinaria entregárase no horario de apertura do servizo máis próximo.

Entre dous períodos de préstamo consecutivos, deberá pasar alomenos unha semana.

Na devolución da maquinaria, farase unha breve revisión dos seus compoñentes, e verificarase o correcto funcionamento, sendo responsable do mesmo a persoa usuaria que está a utilizar a máquina, ata a aceptación da devolución pola administración.

## **CAPÍTULO III. DEREITOS E OBRIGAS DAS PERSOAS USUARIAS**

### **Artigo 11. Dereitos.**

Toda a veciñanza que participe no programa de compostaxe ten dereito ao uso do servizo, cumprindo as condicións establecidas en artigos anteriores.

Toda a veciñanza que participe no programa de compostaxe ten dereito ao emprego da maquinaria no ámbito privado, dentro dos límites do Concello de Valga.

### **Artigo 12. Obrigas.**

Toda persoa usuaria do servizo está obrigada a un correcto uso da maquinaria en préstamo.

Toda persoa usuaria do servizo está obrigada ao cumprimento das normas establecidas na presente ordenanza.

Toda persoa usuaria deberá respectar en todo momento estas normas, sen prexuízo do cumprimento doutros regulamentos, normas, e lexislación vixente que afecte ao emprego desta maquinaria ou ás consecuencias da súa utilización.



Martes, 31 de agosto de 2021

Núm. 167

Serán de obrigado cumprimento as indicacións ofrecidas polo persoal responsable do servizo do concello no tocante ao mantemento e correcto funcionamento da máquina.

Calquera incidente ocorrido durante o emprego da maquinaria, deberá ser comunicado aos teléfonos facilitados polo concello, na maior brevidade posible.

A persoa usuaria responderá de calquera dano que se cause na maquinaria por un transporte ou uso incorrecto da mesma, eximindo ao concello de toda responsabilidade.

A persoa usuaria será responsable do correcto uso da maquinaria e da adopción das medidas de seguridade que fosen precisas para evitar danos propios ou a terceiras persoas.

O Concello non será responsable de calquera dano que sufra a persoa usuaria ou unha terceira polo mal uso da maquinaria.

### **Artigo 13. Prohibicións.**

Prohíbese o emprego da maquinaria fora dos límites territoriais do concello.

Prohíbese á persoa usuaria o préstamo, aluguer, cesión ou calquera disposición da maquinaria ou accesorios a favor de terceiras persoas.

Prohíbese o emprego da maquinaria en limpeza de restos de talas forestais.

Prohíbese a introdución de restos vexetais que superen o grosor ou diámetro ou forma admitidos pola máquina.

Prohíbese a introdución de elementos distintos aos indicados no artigo 9 “condicións de utilización” para o emprego da maquinaria. En concreto, prohíbese a introdución de restos verdes non leñosos, tales como herba, restos de flores, plantas arrincadas, etc.

Prohíbese a desmontaxe ou manipulación da maquinaria, excepto aquelas accións indispensables, indicadas na guía rápida de utilización, destinadas ao correcto funcionamento da mesma, ou ao seu transporte.

### **Artigo 14. Obrigas en caso de furto ou roubo.**

Efectuar a correspondente denuncia na policía.

Comunicar telefonicamente ao Concello de Valga e presentar copia da denuncia no Concello.

No caso de non presentar denuncia, considerarase a inhabilitación definitiva no servizo, sen prexuízo de aplicarse o réxime sancionador correspondente.



**CAPÍTULO IV. RÉXIME SANCIONADOR****Artigo 15. Principios xerais**

Será infracción administrativa o incumprimento das obrigas, prohibicións e requisitos establecidos na presente Ordenanza. O réxime sancionador deste Regulamento réxese polos principios contidos na Lei 39/2015, de 1 de outubro, do Procedemento Administrativo Común das Administracións Públicas e demais normativa de desenvolvemento.

Así mesmo, serán de aplicación as disposicións contidas no Título XI da Lei 7/1985, do 2 de abril, reguladora das Bases de Réxime Local.

**Artigo 16. Clasificación das infraccións.**

As infraccións clasificaranse como leves, graves ou moi graves, sen prexuízo de que todo incumprimento disposto nesta ordenanza, constitúe unha infracción da mesma, quedando a consideración do concello a súa clasificación como leve, grave ou moi grave, e a conveniencia ou non da súa sanción e os termos da mesma, no ámbito das súas competencias.

*INFRACCIÓNS LEVES*

Serán leves as seguintes infraccións:

- O retraso na devolución da maquinaria non debida a causas xustificadas.
- Non respectar as tarefas mínimas de limpeza, conservación e mantemento da máquina.

*INFRACCIÓNS GRAVES*

Serán graves as seguintes infraccións:

- O emprego da maquinaria fora dos ámbitos establecidos para o seu emprego (horta e xardinería).
- O préstamo ou cesión a terceiras persoas.
- O manexo por persoas distintas da persoa titular do préstamo.
- Producir danos na máquina por un uso incorrecto da mesma, sen prexuízo de ter que asumir os gastos debidos á súa reparación.
- Uso incorrecto da maquinaria que de lugar a risco en bens ou en persoas.
- Coidado non axeitado da maquinaria no seu uso, transporte ou devolución, que provocasen danos na mesma.
- A reiteración na comisión de dúas faltas leves.



Martes, 31 de agosto de 2021

Núm. 167

*INFRACCIÓNs MOI GRAVES*

Serán infraccións moi graves:

- O emprego da maquinaria con fins de lucro, estando expresamente prohibido o seu aluguer, venda ou emprego con fins comerciais, ou diferentes dos especificados para cada máquina.
- Non realizar denuncia no suposto de roubo.
- A reiteración na comisión de dúas faltas graves no período de doce meses.
- A perda da maquinaria ou non devolución da mesma.
- Non coidado axeitado da maquinaria no seu uso, transporte ou devolución, que provocasen danos graves na mesma.

**Artigo 17. Sancións.**

As infraccións ao presente regulamento darán lugar ás seguintes sancións, sen prexuízo doutras sancións que poida interpoñer o concello destinadas a sufragar posibles desperfectos ou outros:

- As faltas leves sancionaranse con penalizacións de suspensión temporal dun mes da persoa usuaria do servizo, e/ou multa de 60€.
- As faltas graves sancionaranse con multa de 61€ a 300€ e/ou suspensión temporal de un a seis meses da persoa usuaria no servizo.
- As faltas moi graves sancionaranse con multa dende os 301 € en diante, e/ou a suspensión temporal da persoa usuaria do servizo de seis meses a baixa definitiva do servizo.

**Artigo 18. Potestade sancionadora.**

O exercicio da potestade sancionadora prevista nesta Ordenanza, corresponde, á Alcaldía do Concello de Valga, con arranxo ao disposto nos artigos 21.1. n) da Lei 7/1985, do 2 de abril, reguladora das Bases de Réxime Local, na redacción dada á mesma pola Lei 57/2003, do 16 de decembro, sen prexuízo da posibilidade de delegar o exercicio da devandita atribución.

*DISPOSICIÓN FINAL ÚNICA*

Para todo o non regulado expresamente na presente ordenanza estarase ao disposto na normativa xeral aplicable a cada caso.

*ENTRADA EN VIGOR*

Esta Ordenanza entrará en vigor, unha vez aprobada definitivamente, e convenientemente publicada no Boletín Oficial da Provincia, unha vez transcorrido o prazo ao cal se refire o art. 65.2 en relación con o 70.2 de a Lei 7/1985, Reguladora das Bases do Réxime Local.

Pode verificar a integridade deste documento no seguinte enderezo:  
<https://sede.depo.gal>  
Código seguro de verificación:AMSO9ID0B57HJIB9



Martes, 31 de agosto de 2021

Núm. 167

**ANEXO 1: SOLICITUDE DE PRESTAMO DA BIOTRITURADORA****SOLICITANTE:**

|                      |           |
|----------------------|-----------|
| Nome e apelidos:     | NIF:      |
| Enderezo:            | C.P:      |
|                      | Teléfono: |
| Municipio/Provincia: | E-mail:   |

**REPRESENTANTE:**

|                      |           |
|----------------------|-----------|
| Nome e apelidos:     | NIF:      |
| Enderezo:            | C.P:      |
|                      | Teléfono: |
| Municipio/Provincia: | E-mail:   |

**MAQUINARIA SOLICITADA: Biotrituradora eléctrica ILH3000A**

|               |                  |
|---------------|------------------|
| Data entrega: | Data devolución: |
|---------------|------------------|

**DATOS DE RECICLAXE:**

|                                                                                               |  |                    |                    |        |
|-----------------------------------------------------------------------------------------------|--|--------------------|--------------------|--------|
| ¿Cal era o tratamento mais frecuente que empregabas para desfacer os restos de podas na casa? |  |                    |                    |        |
| Queimalos                                                                                     |  | Botalos ó contedor | Deixalos apodrecer | Outros |

**A PERSOA SOLICITANTE DECLARA:**

- 1.- Que recibe o material en perfectas condicións de uso.
- 2.- Que coñece e acepta o contido do documento de dereitos e obrigas.
- 3.- Que se compromete a entregar cuberto o documento de uso no momento da devolución da biotrituradora.

En Valga, a                      de                      de 202

|                                          |                                          |
|------------------------------------------|------------------------------------------|
| <b>O solicitante:</b>                    | <b>O responsable do Concello:</b>        |
| <br><br><br><br><br><br><br><br><br><br> | <br><br><br><br><br><br><br><br><br><br> |



Martes, 31 de agosto de 2021

Núm. 167

**ANEXO 2: DOCUMENTO DE DEVOLUCION DA BIOTRITURADORA****DATOS DO SOLICITANTE:**

|                                 |                          |
|---------------------------------|--------------------------|
| Nome e apelidos:                |                          |
| Horas de uso da biotrituradora: | Número de caixóns cheos: |
| Data de devolución:             |                          |

**OBXECTO DO PRÉSTAMO. DEREITOS E OBRIGAS DAS PARTES:**

O concello de Valga presta ás persoas usuarias en réxime de usufructo e a título gratuito, unha biotrituradora eléctrica e un cable extensor.

**1.- OBRIGAS DOS USUARIOS**

Toda persoa usuaria do servizo está obrigada ao cumprimento das normas establecidas na ordenanza que regula o préstamo de biotrituradoras.

**2.- OBRIGAS DO CONCELLO**

O concello comprométese a entregar o material descrito en perfectas condicións de uso e asume as tarefas de asesoramento e subministración de toda a información necesaria para o correcto funcionamento e adecuado rendemento dos materiais cedidos.

|                                                                                     |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
|-------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|  | <ol style="list-style-type: none"><li>1.- Enchufar a trituradora a unha toma eléctrica</li><li>2.-Pechar o caixón de depósito do material triturado. Se o peche non está correctamente encaixado, non se activa a máquina.</li><li>3.-Comprobar o axuste da coitela. Non deben tocarse as partes metálicas para evitar avarías da maquinaria.</li><li>4.- Premer o botón verde (START) para acender a biotrituradora.</li><li>5.- Introducir os restos de poda pola abertura superior, respetando o ancho máximo permitido. Non introducir unha nova rama ata ter triturado a anterior.</li><li>6.- En caso de que se produza un atasco ou non enganche a rama, premer o botón amarelo (REVERSE) para expulsar a rama</li><li>7.- Unha vez finalizada a trituración, premer o botón vermello (STOP) e desconectar a biotrituradora.</li></ol> |
|-------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

|                              |                                                                                     |                                                                                                                                        |
|------------------------------|-------------------------------------------------------------------------------------|----------------------------------------------------------------------------------------------------------------------------------------|
| ¿QUE SE<br>PODE<br>TRITURAR? |  | -Restos leñosos procedentes de podas domiciliarias: ramas de árbores froiteiras, viña, árbores ornamentais, restos de xardinería, etc. |
|                              |  | -Restos verdes non leñosos: herba, restos de flores, follas, plantas arrincadas, cepellóns, etc.                                       |
|                              |  | -Materiais duros tales como ferros, pedras, etc                                                                                        |

